

Txirrindularitza ♦ Gaur Milan-San Remo

Udaberriko lehen lorea

*Bartoli da favorito Munduko
Kopako lehen proba irabazteko*



Michele Bartoli
(Mapei) italiarra da
favorito nagusia
gaur Milan-San
Remo irabazteko —
Munduko Kopako
lehen proba—.

Xabier Usabiaga / **Donostia**

AZKEN urteotan ez bezala, gaurko Milan-San Remok favorito nagusi bakarra du: Michele Bartoli. Azken bi urteetan Munduko Kopa irabazi duen ziklistak, ordea, ez du lehenaz gain aingura sortuko dion presiorik nahi. «San Remo ez da inongo ametsa niretzat», esan berri du, baina onartu du «irabaztea gustatuko» litzaiokeela. Antzeko kontuak erabili zituen orain urtebete ere Lieja-Bastogne-Lieja proba bezperan,

«gripe puntua» zuela esan baitzuen orduan, eta lasterketan erraz gailendu zen gero. Kontuak kontu, Bartolik asteon irabazi duen Tirreno Adriatikoan hitz egin du, eta ziklismoan aintzat hartu beharreko esanak errepidekoak dira. Bartolik gainera badaki, Paris-Nizak, eta, batez ere, Tirreno Adriatikoak, oso lotura estua dutela Milan-San Remorekin; alegia, bi itzuli horietan nabarmentzen dena ez dela garaipenetik oso aparte ibiltzen San Remon. Esaterako, 1993an Fondriesteke erdietsi zuen Tirrenon garaipena, eta Poggion ez zen hari jarraitzeko gauza izan inor. Antzekoa ikusi zen 1994an Giorgio Furlanekin, eta 1995ean Laurent Jalabertekin (hau Frantzia gailendu zen).

Garatek historia egin du Gorlan

X. U. / **Donostia**

IBERDROLA taldeko 22 urteko Juan Manuel Garate irundarra da Gorlako 25 igoeretan bi aldiz jarraian gailentzea lortu duen ziklista bakarra. Eskarmentuak zeresan handia izan zuen atzoko probaren bilakaeran, indarrez Koldo Gil (Banes-to) eta Julian Sanchez (Tegui) izan baitziren indartsuenak, baina azken metroetako erasoaren ondorioz Garate, Gil eta Mikel Astarloza (Kaiku) izan ziren garaipenean nor baino nor aritu ziren bakarrak. Esprintean Garatek hartu zien aurea Gili eta Astarlozari, baina igoe-rako denbora ez zen ona izan: 21' 11".

Esprinterrak ez dira, hortaz, oso gustura izango Mapeikoaren sasoiarekin, eta bakar batzuk ez dira euren buruekin ere oso harro. «Lur jota nago», esan du Cipollinik, Tirrenon izandako eroriak eragindako sor-baldako mi-nez. «Nire lehen helburua San Remo zen, baina sorbalda minbera dut». Zabel, azken bi urteetako garailea, nekez ari da gailentzen aurrean, eta ez dirudi iazko pedal kolperik duenik. Steels izan daiteke salbuespen bakarra.

Bartoliren gurpilari, ordea, ez zaio zaindaririk falta-ko, eta badaki nortzuk ariko diren lan horretan. «Nire favori-toak Jalabert, Rebellin, eta Vainsteins dira», esan du, eta «aditzeroa onadut Vandembroucke, Boogert eta Txemili buruz ere». Badira nahikoa aurkari, beraz. Horien artean, badaezpada, Igor Gonzalez de Galdeano ere aipatu behar da,

Tirrenon oso taxuz ibili delako gasteiztarra. Bera izango da euskaldunen artean aukerarik gehiena duena.

Ibilbiderik ez da aldatu aurtengo: 294 kilometro izango dira Milango Piazza S.Ambrogioetik (9:20) San Remora (16:00ak aldera), eta usadioz Poggion (helmugatik sei kilometrora) erabaki behar litzateke proba.